

Miz Mwngez Cij Vuenyungz

有 你 才 会 幸 福



Diuzloh majhung, de gaem fwngz gou, hawj gou roxriuj gijmaz dwg soengyungz. Mwh gou dam guhcaemz ma ranz gvaiz, de yungh gaiqfwngz raeurub lumh aen' gyauej gou naeuz, haeux cawj ndei lo, vaiq swiq fwngz

gwn haeux ba. Mwh gou dawz mbaw dancinzcik gauj ndaej mbouj ndei geijlai haenx ndwn youq baihnaj de, de riu dwk naeuz, mbouj youqgaenj, baezlaeng roengzrengz couh ndaej lo. Aenda de yubyab ok cungj rongh ndeu, gou rox, gijneix dwg soengyungz. Gou geiq ndaej, moix baez doek fwn, de cungj dwg boux daih' it soengq liengj hawj gou, lumh aen' gyauej gou, cam gou deng mbouj deng liengz. Gou geiq ndaej moix baez fatndat, de cungj dwg saeqsim ciuqgoq gou, de naeuz, baezlaeng yaek lai haeusim di, lai daenj di buh. De aeu genbuh uet hanh najbyak, gou rox, gijneix dwg ndiep dwg gyaiez. De couhdwg daxmeh gou.

Geiq ndaej miz baez

nde, gyanghwnz, gou dungx-iek lo, gou hwnqdauej yaemj din yaemj fwngz byaij daengz ndaw dingdangz, ra bingj gwn. Gou laihnaeuz gou gig yaemj lo, hoeng lij dwg cauz ndiu daxmeh lo. Daxmeh raen gou gwn bingj, cam gou dwg mbouj dwg iek lo, gou mbouj eiqseiq ngaem gyauej roengzdauej. Daxmeh sikhaek bae bang gou cawj mienh. De dawz vanj mienh homfwdfwd he cuengq youq baihnaj gou le, cij rag aenndang naetnaiq de bae ninz.

Youq diuz loh majhung neix, miz de buenx, miz de gvansim, miz de hawj gou vuenyungz. Gou gyaiez de, gou gyaiez daxmeh gou!

(haj niengaep Vangz Vanjdingz)



Ciet Cingmingz

清明节

“Cingmingz doek fwnmoenq, roen myag vunz sim you……” Moix bi daengz ciet cingmingz, gou cungj youq ndawsim doeg hot sei neix, daeuj gangjok gij simcingz gou doiq cojcoeng siengjniemh haenx.

Ngoenzhaenx, gou caeuq daengx ranz vunz doxcaez bae sauqmoh daxdaiq. Daengz aenmoh daxdaiq le, dou dawz sauqbaet roxnaeuz baengz, baet seiqhenz aenmoh, ut aensiengq daxdaiq caeuq aenbei seuq. Ciepdkw, dou diemj yieng, cuengq geij bog vasien, baijhwj dangzbingj caeuq mak, doeklaeng youh coemh ceijcienz hawj daxdaiq, biuji gij simcingz dou siengjniemh daxdaiq, nyienh daxdaiq youq lingh aen seiqgyaiq gvaq ndaej ndei. Gou maqmuengh daxdaiq baujyouh dou ndang cangq, saedcej gvaq ndaej vuenyungz. Seizhaenx, gou siengj hwnj gij saedcej gaxgonq gou caeuq daxdaiq youq doxcaez haenx. Mwh gou lij haemq iq, daxdaiq caengz gvaqseiq, daxdaiq gig ndiep gou gyaiez gou. Seizneix, daxdaiq gaenq gvaqseiq lo, hoeng gij najriu hozswnh de lij geiq youq ndawsim gou.

Gingjsaek gizgyaiez ingj haeuj da gou, duzroeg ciengq dwk go ndei dingq, seiqhenz cungj hai rim vahenj byaekyouzcai, gomiuz gofaex maj ndaej hoenghwdhwd. Ciet cingmingz, hawj raeuz youq aen saedcej daegbied neix, mwh siengjniemh goxgonq, hix doiq daengzcog cungmuenx siengjmuengh, insik sengmingh, hawj swheij lix ndaej engq miz yiyei, gaej begbeg dohgvaq ciuhvunz gyaundeix neix.

(seiq nienzgaep Vuz Mingz)

Duzbit Ndaej Gouq Lo

小鸭得救了

Ngoenzneix, daengngoenz okdauej lo, gyoengq doenghduz cungj okdauej guhcaemz lo, gofaex did ngaz lo, dujva hai va lo, go' nywj heu lo. Duzbitlwg mbouj siujsim doek roengz gumz bae lo.

Duzbit gag siengj: “Gou yaek yat hwnjbae!” Hoeng de yat mbouj ndaej hwnjdauej. Duzroeg yawjraen le, de naeuz: “Gaej gaenj, gaej gaenj, gou dauej bang mwngz.” Duzlingz dauej lo, de dauqdingq venj youq gwnz faex, gaem diuz faexgyaengh he. De naeuz: “Bitlwg gaem ndaet.” Bitlwg mbouj miz fwngz, gaem mbouj ndaej, bitlwg gig siengsim. Seizhaenx duzciengh dauej lo, de yungh aenndaeng raezrang de ngaue aeu



duzbit, hoeng aengumz laeg lai, ngaue mbouj daengz. Duzmui dauej lo, de siengj gou yaek bangbang bitlwg. Duzmui aeu raemx raix roengz aengumz bae, bitlwg fouz hwnjdauej lo.

Bitlwg naeuz: “Daeggo mui, mwngz caen ak ha!”

(ngeih nienzgaep Vangh Loz)

Ngoenzsinghgiz, daxboh vihliux hawj gou daejnienh lajmbanj baenzlawz gwndaenj gvaq saedcej, couh gietdingh daiq gou bae ranz daxbuz youq lajmbanj haenx guhcaemz. Ngoenz haenx mbwnlamz gvengqgvwt, heiqci youq gwnz loh lumj mbin nei hai dwk, hoeng gou siengj daengz lajmbanj haeuxgyanh byaekhe, mbouj miz vangjloz, couh roxnyinh mbwnraemh mbwnfuemx. Ae! Vih maz bae gizhaenx ha!

Daengz vaiqhaemh, heiqci hai gyawj aenmbanj ranz daxbuz. Ngamq haeuj mbanj, gou couh yawjraen hoenzfeiz mbinfengfeng, duzvaiz geq youq laj ndithaemh gag byaij, lij miz bienmbwn benq fwjhaemh haenx. Gij gingjsaek gyaundeix neix lumj fuk veh nei sawj gou baihnaj ronghsagsag.

Gyanghaemh, gou ninz youq gwnz congz, song da yawj rog cueng, ndawsim siengj aensingz daeng ronghmyagmyag, siengj aen ranz youq ndaw singz haenx. Seizhaenx rongh ronghndwen ndonj gvaq cuengfaex

Saedcej Lajmbanj

乡 下 生 活

ciuq haeuj ndaw ranz dauej, gijmaz cungj dwg mumjumj gymqgyumq. Daihdeih lumjbaenz caemninz loh, cawzle saek seiz miz ma raeuq geij sing, caen caemdingh ha. Gou gig vaiq couh ninz ndaek lo.

Gyanghaet, sing gaeqhaen dwkbyoengq lajmbanj caemdingh, hix heuh gou ndiu lo. Gou hai dou, raq hoengheiq singisien he ci haeuj naj gou. Gou nyaenx mbouj ndaej sup geij gaemz, cig sup haeuj ndawdungx ndawsim bae. Byaij ok aenhongh bae, daengngoenz ngamq hwnjdauej, caengz mok mbang ciemhciemh sanq bae. Seizhaenx, gwnz nyefaex, gwnz mbawnywj, gwnz dipva cungj nem miz raemxraiz ndongqndikndik. Gou

yaengyaeng bungq mbat he, raemxraiz couh ringx daengz gwnz fwngz gou, liengzsis. Ngiengx gyauej yawj, gyoengq vunz gaenxgyaek haenx gaenq laeblaeb daebdaeb ok dou, byaij bae coh doenghnaz, haindung guh ngoenz hong gyoengqde. Gvaq yaep ndeu, lwgnyez hix yied dauej yied lai. Gyoengq lwgnyez noh ndaemndwt he youq laj gorungz gyauejmbanj guhcaemz. Baenz raq baenz raq sing riu yinx gou byaij daengz henz ndang gyoengqde. Gyoengqde angqcoux gou caeuq gyoengqde guhcaemz. Cungj angqyangz caengz miz gvaq haenx sawj gou haisim riuhaha hwnjdauej……

Mbouj rox seiz lawz daengz banngaiz lo, ranzranz cungj miz cungj



heiqhom haeuxbyaek he mbin okdauej. Daihgya cungj byaij ma ranz swheij. Gvaq yaep ndeu, daihgya youh gaem vauj haeuxbyaek he comz daengz laj gofaex, mwngz cimz gij gou, gou cimz gij mwngz. Gyoengqvunz lumj gwndaenj youq aen ranz doxhuz he, gij vuenyungz caeuq muenxcuk cungj youq gwnz naj gyoengqde biujyienh okdauej.

Saedcej lajmbanj mboujlwnh seiz lawz cungj dwg yienghneix sawj vunz angqyangz. Gou gyaiez hwnj cungj saedcej lajmbanj daegbied, swyouz, hawj vunz maez haenx lo.

(seiq nienzgaep Lij Veijvaz)